

Gassit silaannarmik kissakkiartortitsisartut flour-imik akullit ilaat pillugit nalunaarut

Avatangiisit innarlitsaaliorneqarnissaanik Inatsisartut inatsisaanni nr. 9-mi, 22. november 2011-meersumi § 10, imm. 1, nr. 1, 7 aamma 20, § 10, imm. 3, aamma § 66 imm. 3, aamma imaani avatangiisit illersorneqarnissaat pillugu Inatsisartut inatsisaanni nr. 15-imi, 8. juni 2017-meersumi, Inatsisartut inatsisaatigut nr. 8-kkut, 27. november 2018-meersukkut allannguuteqartinneqartumi § 32, imm. 4, aamma § 63 naapertorlugit aalajangersarneqarput:

Atuuffii

§ 1. Nalunaarut manna nunami sumiiffinnut akisussaaffigisanut aamma immami sumiiffinnut akisussaaffigisanut atuuppoq.

Imm. 2. Nalunaarummi akuutissat nakkutigisat, taakkunungalut tunisassiat akuutissanik nakkutigisanik akoqartut, imaluunniit atorineqarnerminni akuutissanik taakkuninnga pinngitsuuisinnaanngitsut maleruagassiuunneqarput.

Imm. 3. Akuutissat nakkutigisat nalunaarummi matumani imatut paasineqassapput:

- 1) Hydrofluorcarbonit (HFC-it), tassanili hydrofluoroolefinit (HFO-t) pineqanngillat.
- 2) Perfluorcarbonit (PFC-it).
- 3) Svovlhexafluoridit (SF₆).

Akuutissanik nakkutigisanik il.il. tikisitsineq, tuniniaaneq, atuneqsananerlu

§ 2. Akuutissanik nakkutigisanik silaannarmut piaaraluni aniatitsinissaq inerteqqutaavoq, aninatitsinissaq atuinermi siunnerfusumi teknikkikkut pisariaqartinnagu.

§ 3. Tunisassianik nutaanik, akuutissanik nakkutigisanik akulinnik tikisitsinissaq, tuniniaanissaq atuinissarlu inerteqqutaavoq.

Imm. 2. Kisiannili tunisassianik nutaanik, ilanngussaq 1-imi allattuiffimmi allassimasunik, tikisitsinissaq, tuniniaanissaq atuinissarlu imm. 1-imi inerteqquteqarnermut 31. december 2035-p tungaanut ilaatinneqanngillat.

§ 4. Akuutissanik nakkutigisanik nutanik pissarsiareqqinneqartunillu tikisitsinissaq, tuniniaanissaq atuinissarlu kiisalu taamaattunik sananissaq inerteqqutaavoq.

Imm. 2. Kisiannili atueriaatsinut, ilanngussaq 2-mi allassimasunut tikisitsinissaq, tuniniaanissaq atuinissarlum imm. 1-imi inerteqquteqarnermut 31. december 2035-p tungaanut ilaatinneqanngillat.

§ 5. Tunisassiani, akuutissanik nakkutigisanik akulinnik sulisut ingerlatsinerminni akuutissanik nakkutigisanik piaarinaatsoornikkut aniatitsinissamik pinngitsoortitsiniarlutik annikillitsiniarlutillu naammaginartunik tamanik malitassaqaassapput.

Imm. 2. Akuutissanik nakkutigisanik seerisoqartoq paasineqarpat, sulisup ingerlatsisuusup tunisassiap pilertornerpaamik iluarsaanneqarnissaa qulakkiissavaa. Aamma sulisup ingerlatsisuusup iluarsaassinermiit qaammat ataaseq qaangiutsinnagu tunisassiap misissorneqarnissaa qulakkiissavaa, iluarsaassineq pitsaasumik suliarineqarsimanersoq uppersarsarniarlugu.

Imm. 3. Tunisassianik, akuutissanik nakkutigisanik akulinnik ikkussuisartut, misissuisartut, aserfallatsaaliuisartut, iluarsaassisartut matusisartulluunniit, akuutissanik nakkutigisanik seerisoqarnissaa pinngitsoortinniarlugu naammaginartunik tamanik malitassaqaassapput.

Imm. 4. Naalakkersuisut inunnut, imm. 1-3-mi pineqartunut akuutissanik nakkutigisanik eqqortumik passussinissamut ilisimasaqarnissamik, soorlu ilinniartitaanikkut akuersissuteqarnikkulluunniit naammaginartumik piumasaqaateqarfusunik sukumiisunik piumasaqarsinnaapput, tassungalu § 6 naapertorlugu tamatumunnga pisariaqartitsisoqarnerani nakkutilliinissaq misissuinissarlum ilaatinneqarput.

Misissuisarnej immikkullu ittumik akuersissuteqartarnej

§ 6. Nalunaarummi matumani maleruagassat malillugit nunap killeqarfata iluani nakkutilliinerit misissuinerillu Kommunalbestyrelsimit isumagineqassapput.

Imm. 2. Kisiannili Avatangiisinut Naalakkersuisoq suliffeqarfinnik, avatangiisit innarlitsaaliorneqarnissaanik Inatsisartut inatsisaanni kapitali 5 imaluunniit kapitali 8 naapertorlugit akuersissuteqarnissamut pisariaqartitsiviusunik nakkutilliinermik isumaginnittuussaaq.

Imm. 3. Imartami akisussaaffeqarfusumi umiarsuit imaani avatangiisit illersorneqarnissaat pillugu Inatsisartut inatsisaanni kapitali 19 naapertorlugu nakkutigineqassapput misissuiffigineqartassallutillu.

§ 7. Avatangiisinut Naalakkersuisoq pisuni immikkut ittuni nalunaarummi matumani piumasaqaatit saneqqunneqarsinnaaneritut akuersisinnaavoq, tassungalu ilanngullugu imatut pisoqartillugu §§ 3-mi aamma 4-mi inerteqquteqarnermik saneqqutsinissamut akuersisinnaalluni:

- 1) Tunisasiat aalajangersimasut saniatigut allanik qinigassaqaartoqartinnagu imaluunniit tunisassianik, aalajangersimasunik qinigassaqaartoqartinnagu.
- 2) Tunisassiamut aalajangersimasumut imaluunniit tunisassianut immikkoortunut aalajangersimasunut qinigassanik allanik peqartillugu, kisiannili taakku teknikki isumannaallisaanerluunniit peqqutaallutik atorineqarsinnaatinnagit.
- 3) Teknikki eqqarsaatigalugu atuinissaq qinigassanillu allanik qulakkeerinissaq naapertuutinngitsumik annertuunik aningaasartuuteqarnermik kinguneqartussaattillugu.

Imm. 2. Imm. 1 naapertorlugu aalajangiinerni Avatangiisinut Naalakkersuisoq piumasaqaatinik, gassit silaannarmik kissakkiartortitsisartut apparteqqinneqarnissaannut pisariaqartunik saqqummiisinnaavoq, tassungalu akuutissanik nakkutigisanik tikisitsinermut avammullu nassiussinermut tunngatillugu paasissutissiinissamut piumasaqaateqarnej ilaatinneqarpoq.

Maalaarutit

§ 8. Nalunaarut manna naapertorlugu aalajangiinerit tamarmik imaani avatangiisit innarlitsaalioneqarnissaannik Inatsisartut inatsisaanni kapitali 14-imi maleruagassat malillugit maalaarutigineqarsinnaapput.

Pineqaatissiisarnerit arsaarinnittarnerillu

§ 9. §§ 2-5-imi unioqqutitsisoq, § 6 naapertorlugu misissuinissamut akerliusoq imaluunniit § 7 naapertorlugu immikkut ittumik akuersissuteqartoqarnissaanut piumasaqaatinik unioqqutitsisoq pineqaatissinneqarluni akiliisussanngortinneqarsinnaavoq.

Imm. 2. Kalaallit Nunaannut Pinerluttulerinermut Inatsimmi maleruagassat naapertorlugit ingerlatseqatigiiffinnut il.il. (suliffeqarfinnut) pinerluttulerinermi inatsisitigut akisussaasunngortinneqarsinnaavoq.

Imm. 3. Akiligassanngortitat Nunatta Karsianut ikineqassapput.

Imm. 4. Nalunaarummik matuminnga unioqqutitsisoqarnerani pinerluttulerinermut inatsimmi maleruagassat naapertorlugit arsaarinnittoqarsinnaavoq. Arsaarinnissutit Nunatta Karsianut tutsinneqartassapput.

Atuuttussanngortitsineq

§ 10. Nalunaarut manna 1. apriili 2023-mi atuutilerpoq.

Namminersorlutik Oqartussat, ulloq 3. marts 2023

Kalistat Lund (atsior.)

Nunalerinermut, Imminut Pilersornermut, Nukissiutitut Avatangiisinullu Naalakkersuisoq

/ Natuk Lund Olsen (atsior.)

Ilanngussaq 1

Tunisassiat uku, gassinik silaannarmik kissakkiartortitsisartunik taaneqatunik akullit § 3-mi inerteqquteqarnermut ilaatinneqanngillat:

Tunisassiaq	Gassi silaannarmik kissakkiartortitsisartoq
1. Sanaartukkat innaallagissamik sakkortuumik atuiffiusut (1 kV-t sinnerlugit atuiffiusut).	SF ₆
2. Kissamut pumpit, 100 tons CO ₂ Ækvivalent-isut annertutigisunik ^[1] annikinnerusunilluunniit immikkat, tunisassiorfimmi ilivitsunngorlugit katiterneqareersimasut, pingaartumit svejserinikkut lodderinikkulluunniit katitikkat.	HFC-t
3. Kissamik katersueqqittarnermut nillarsaatit, 100 tons CO ₂ Ækvivalent-isut annertutigisunik annikinnerusunilluunniit immikkat, tunisassiorfimmi ilivitsunngorlugit katiterneqareersimasut, pingaartumit svejserinikkut lodderinikkulluunniit katitikkat.	HFC-it
4. Nillartaatsiviit, kissamut pumpit, nr. 2-mut ilaanngitsut, silaannarissaatit (ilorrisimaartitsisumik nillarsaasartut) aamma isugutserutit, 5 tons CO ₂ ækvivalent-isut ¹ annertutigisut ataalluguluunniit immikkat.	HFC-it
5. Silaannaq ussissillugu naqitaq atorlugu nillasaatit panertitsisartullu (Trykløstørreanlæg) 15 tons CO ₂ ækvivalentisut ¹ annertutigisumik annikinnerusunilluunniit immikkat, tunisassiorfimmi ilivitsunngorlugit katiterneqareersimasut, pingaartumik svejserinikkut lodderinikkulluunniit katitikkat	
6. Nillarsaatit seqqittartut.	HFC-it
7. Nillartaatsiviit angallattakkat.	HFC-it
8. Qamutini assakaasulinni timmisartuniluunniit silaannarissaatit.	HFC-it
9. Qerititsiviit nillertorujussuit (-50° C-t sinnerlugit nillissusillit).	HFC-it
10. Nakorsaatit qillertuusani seqittakkaniittut.	HFC-it
11. Laboratoriani atortut.	Tamarmik
12. Nillartaatsinermut atortunik misileraanermut misileraaviit.	HFC-it

- | | |
|---|----------|
| 13. Automatikkimut tunngasut (termostatit, ventiilit il.il.). | Tamarmik |
| 14. Tunisassiat sakkutooqarnermut atorineqartut. | Tamarmik |
| 15. Tunisassiat umiarsuarni atugassat. | Tamarmik |

Ilanngussaq 2

Gassinik silaannarmik kissakkiartortitsisartunik atuinerit taaneqartut uku § 4-mi inerteqquteqarnermut ilaatinneqanngillat:

Atuineq	Gassi silaannarmik kissakkiartortitsisartog
1. Nillatartitsivinnik, silaannarissaatinik, kissamut pumpinik isugutserutinillu suliaqarneq.	HFC-it
2. Qamutini assakaasulinni silaannarissaatinik suliaqarneq.	HFC-it
3. Sanaartukkanik innaallagissamik sakkortuumik atuiffiusunik suliaqarneq (1 kV-t sinnerlugit atuiffiusut).	SF ₆
4. Laboratoriani atortunik suliaqarneq.	Tamarmik
5. Sakkutuunit atorineqartut.	Tamarmik
6. Umiarsuarni atuinerit.	Tamarmik

[\[1\]](#) Tunisassiani annertussutsit CO₂ ækvivalent-illu ilanngussaq 1-imi piumasaqaatinut naapertuunnersut nalilersuineri allagartalersuinernut malittarisassat tunngavigineqarput. Tassa Europaparlamentip EU-llu gassit silaannarmik kissatsitsisartut flourimik akullit pillugit peqqussutaanni nr. 517/2014 16. april 2014-imeersumi artikel 12, imm. 3, litra c. Kiisalu peqqussutip (EF) nr. 842/2006 atorunnaarsinneqarnera imaluunniit CO₂ ækvivalentit pillugit nunat tamalaat malittarisassat allat. Nalornisoqartillugu Naalakkersuisut tunisassiamut aalajangersimasumut annertussutsit CO₂ ækvivalentillu pillugit aalangiisassaaq.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut